

曹子建文集卷第七

皇子生頌

於聖我后憲章前志克纂二皇三靈昭
事祇肅郊廟明德敬忌潛和積石鍾天
之釐嘉嘉月令辰篤生聖嗣慶由一人萬
國作嘉喁喁萬國岌岌羣生稟命我后
綏之則榮長爲臣職終天之經仁聖奕
代永載明明同年上帝休祥淑禎藩臣

作頌光流德聲吁嗟卿士祇承予聽

玄俗頌

玄俗妙識飢餌神潁在陰脩遊即陽無
景逍遙北岳凌霄引領揮霧昊天含神
自靜

母儀頌

殷湯令妃有莘之女仁教內脩度義以
處清謐后宮九嬪有序伊爲媵臣遂作

元輔

明賢頌

於鑠姜后光配周宣非義不動校禮不
言晏起失朝永巷告愆王用勤政萬國
以虔

孔子廟頌

修復舊廟豐其甕宇莘莘學徒爰居爰
處王教旣備羣小端沮魯道以興永作

憲矩洪聲登遐神祇來祐休徵雜沓瑞
我邦家內光區域外被荒遐

學官頌

自五帝典絕三王禮廢應期命世齊賢
等聖者莫高於孔子也故有若曰出乎
類拔乎萃誠所謂性與天道不可得而
聞矣由也務學名在前志宰予晝寢糞
土作誠過庭子弟詩禮明記歌以詠言

文以騁志予今不述后賢曷識於鑠尼
父生民之傑性與天成該聖備藝德倫
三五配皇作烈玄鏡獨鑒神明昭晰仁
塞宇宙志凌雲霓學者三千莫不俊乂
唯仁是憑惟道足恃鑽仰彌高請益不
已

社頌

於惟太社官名后土是曰勾龍功著上

古德配帝皇寔爲靈主克明播植農正
曰社尊以作稷豐年是與義與社同方
神北宇建國承家莫不攸叙

宜男花頌

草號宜男旣曄且貞其貞伊何惟乾之
嘉其曄伊何綠葉丹花光采晃曜配彼
朝日君子耽樂好和琴瑟固作螽斯微
立孔臧福齊大姒永世克昌

冬至獻襪頌

玉趾旣御履和蹈貞行與祿邁動以祥
并南闕北戶西巡王城翱翔萬域聖體
浮輕

庖犧贊

木德風姓八卦創焉龍瑞名官法地象
天庖廚祭祀罍網魚畋琴瑟以像時神
通玄

女媧贊

古之國君造簧作笙禮物未就軒轅纂
成或去二皇人首蛇形神化七十何德
之靈

神農贊

少典之胤火德成木造爲耒耜遵民播
穀正爲雅琴以暢風俗

黃帝贊

少典之孫神明聖哲土德承火赤帝是
滅服牛乘馬衣裳是制雲氏名官功冠
五列寧天出軒聖靈察終既四載即並
野自陣陣少昊贊同土言其各木靈帝

祖自軒轅青陽之裔金德承土儀鳳帝
世官鳥號名殊職別系農正扈氏各有

品制

顯頌贊

昌意之子祖有軒轅始誅九黎水德統
天以國爲號風化神宣威暢八極靡不
祇虔

帝嚳贊

祖自軒轅玄囂之裔生言其名木德帝
世撫寧天地神聖靈察教弭四海明並
日月

帝堯贊

火德統位父則高辛克平共工萬國同
塵調適陰陽其惠如春巍巍成功配天
則神

帝舜贊

顓頊之族重瞳神聖克協頑瞽應唐涖
政除凶舉俊以齊七政應曆受禪顯天
之命

夏禹贊

吁嗟天子拯世濟民克卑宮室致孝鬼神
蔬食薄服黻冕乃新厥德不回其誠
可親豐豐其德溫溫其人尼稱無間何
德之純

殷湯贊

殷湯代夏諸侯振仰放桀鳴條南面以
王桑林之禱災災克償伊尹佐治可謂
賢相

忠義
湯禱桑林贊

惟殷之世炎旱七年湯禱桑林祈福于
天剪髮離爪自以爲牲皇靈感應時雨
以零

具實
周文王贊

於赫聖德寔惟文王三分有二猶服事
商化加虞芮傍暨四方王業克昭武嗣
遂光

周武王贊

桓桓武王繼世滅殷咸任尚父且作商
臣功加四海救世濟民天下宗周萬國
是賓

周公贊

武王即位年尚幼稚周公居攝四海慕
利罰叛柔服祥應仍至誦長反政達夫
忠義

周成王贊

成王繼武賢聖保傳年雖幼稚跂疑有
素初疑周公終焉克寤旦奭佐治遂致
刑錯

漢文帝贊

孝文即位愛物儉身驕吳撫越匈奴和
親納諫赦罪以德讓民殆至刑錯萬國
化淳

漢武帝贊

世宗光光文武是攘威震百蠻恢拓土
疆簡定律曆辨修舊章封天禪土功越
百王

漢景帝贊

景帝明德繼文之則肅清王室克滅七
國省役薄賦百姓殷昌風移俗易齊美
成康